

TOUCHER

CENTURION ROLBALKLUB

CENTURION BOWLS CLUB

NUUSBRIEF / NEWSLETTER

Junie / June 2019

www.centurion.bowls-club.co.za

centurionbowls@gmail.com



Die **WINTER** is met ons. Onthou egter dat ons sedert verlede jaar nie meer speeltje vir die seisoen aanpas nie. Skyfie-in tyd op Saterdag bly om 13h00 vir spel om 13:30. en op Dinsdae en Donderdae om 9h00 vir spel om 09:30.

If opportunity doesn't knock, build a door.

ALGEMENEJAARVERGADERING / PRYSUITDELING: 17 AUGUSTUS 2019

Hierdie verrigtinge vind op een dag plaas. Tyd sal aangekondig word.

Nominasies van ampsdraers vir die verskillende komitee -posisies kan op 'n vorm, wat op die Kennisgewingsbord, aangebring is, aangeteken word. Indien jy gewillig is, en dink jy kan waarde toevoeg tot die klub, vra asseblief iemand om jou te benoem vir sodanige posisie. Dit is ons almal se klub en elkeen se plig om sy of haar bydrae te lewer.

Mosies, indien enige, moet in skrif wees en minstens 40 dae voor die algemene jaarvergadering geplaas word in 'n houer wat daarvoor voorsien sal word of in die kassie by die kantoor geplaas word. Jy kan dit ook per e-pos aan die Sekretaris stuur.

Ons wil dit op elke lid se hart druk om hierdie baie belangrike vergadering, waar belangrike besluite aangaande die klub se welvaart, geneem word, by te woon. Dit kan tot elkeen se voordeel strek om ons konstitusie te bestudeer voor die vergadering. Meer ingeligte besluite kan so geneem word.

It is not the load that breaks you down, it's the way you carry it.

Lou Holtz

Centurion is hierdie jaar die gasheer vir die **VIERHOEKIGE BYEENKOMS** op 29 Junie. Daar is 'n lys op die bord en as jy wil deelneem, skryf jou naam op. Die keurders sal die spanne saamstel. Koste vir die dag beloop R60 vir lede en R70 vir ons gaste.

Meyersparkdag is in gemoedelike gees gespeel op Meyerspark. Ou vriendskappe is hernu en nuwes is gesmee en Centurion was die trofeewenner vir die dag. (Ten spyte daarvan dat een van ons spanne 'n 8 afgegee het!) Welgedaan!



Bedankings:

Bessie Oliemans, Herman Engelbrecht en Louise Zondach

Kind words can be short and easy to speak, but their echoes are truly endless. Mother Teresa.

Indien die witte skuif.....

Volgens reël

38 1.3 Indien die witte gedurende pare, driespel of vierspelspel versteur word deur 'n speler word die kop NIE dood verklaar. Daar is genoeg oë by die bal om te kan bepaal waar hy gelê het en kan hulle hom dan herstel tot die posisie waar hy was.

38 1.3 Indien die bal in enkels versteur word deur bv. die merker of iets uit die natuur, moet altwee die skippers besluit waar die bal was en indien hulle nie ooreen kan kom oor 'n posisie nie, word die bal dood verklaar.

The best revenge is massive success. Frank Sinatra



Die KO-OPERATIEWE DAG wat gehou is op 17 Mei was 'n reuse sukses en het ons klub se fondse 'n hupstoot gegee met ongeveer R6000. Baie dankie aan een en elk wat 'n aandeel gehad het hierdie dag. Dit was 'n suksesvol, baie gesellig en almal het die dag geniet in 'n gemoedelike stemming

In matters of style, swim with the current: in matters of principle, stand like a rock. Thomas Jefferson.

LIEF EN LEED

Magriet Ons innige meegevoel met jou en jou gesin met die afsterwe van Dick wat op 7 Junie oorlede is. Ons gedagtes omvou jou in hierdie hartseertyd met liefde.

Dit gaan ook nie goed met Daan Taljaard nie. Sterkte.
Eric Oosthuizen het geval en sy heup gebreek. Hy het reeds 'n operasie ondergaan.
Sterkte, ons dink aan jou.
Vele "swaeltjies" soos oa Thea en Daan en Danny en Hessie het al noordwaarts
vertrek. Geniet die warmer omgewing en speel lekker rolbal.
Marsha en Hans gaan in Junie/Julievir hulle kinders in London en Amerika kuier.
Geniet dit!
Met Theuns gaan dit nog dieselfde, en ons dink aan hom in ons gebede.

[When your're at the end of your rope, tie a knot and hold on.](#) Theodore
Rooseveltdt.

TEEDIENS VIR JUNIE

Sameroepster: Louise Graham 082 689 8031
Tillie Kamper, Francis Slabber, Rina Meyer

TEEDIENS VIR JULIE

Sameroepster: Annie du Plessis 082 563 8906
Corey Marais, Marie de Klerk, Este Giani

In die kombuis, agter die deur, is die pligte van die teedames aangebring.

[You can't change what you refuse to confront.](#) Daryl Daughtry

BAANDIENS VIR JUNIE

Sameroeper: Gerrit Kamper 073171 5630
Terry Steward, Bertie Loots, Koos Slabber

BAANDIENS VIR JULIE

Sameroeper: Johan Meaker
Pieter Morkel, Willem de Klerk

[Everybody considers honesty a virtue, yet nobody wants to hear the TRUTH.](#)

VERJAARSDAE IN JUNIE

Happy Birthday!

Your hardest times often lead to the greatest moments of your life.

- 1 Rodney Evans
- 7 Ria Coetzee / Pierre Gouws
- 12 Piet Bell
- 13 Frik van Niekerk
- 14 Johan Coetzee
- 15 Herklaas Meyer
- 18 Felicity Janse van Rensburg
- 19 Nick Roelofse / Terry Stewart
- 26 Elize Janse van Rensburg
- 27 Hessie de Lang/ Anna Prinsloo

- 28 Veronica Bannenberg
- 29 Johan Lampbrecht
- 30 Duo Oosthuizen

VERJAARSDAE IN JULIE

Veels Geluk!!

Life is short. Do stuff that matters

- 1 Stephan Weber
- 4 Gertie Botha
- 5 Hettie van der Merwe / Dawn de Beer
- 6 Tian Pieterse
- 7 Frans Janse van Rensburg
- 14 Tina Martin
- 15 Willem de Klerk
- 15 Maureen Gerber
- 17 Allan Wynne
- 19 Andries Liebenberg
- 26 John van der Veen
- 28 Ian Thompson / Gill Oosthuyzen
- 29 Dalene Taljaard
- 30 Flip Mattheus

"People take different roads seeking fulfillment and happiness. Just because they're not on your road doesn't mean they've gotten lost" Dalai Lama

Van waar Gehasi.

Mari Flint



Op 27 Januarie 1947 in Bloemfontein gebore as Mari du Plessis.

Word groot in Winburg en matrikuleer in Ficksburg aan die Ficksburgse Hoërskool. Is tot vandag nog in been en murg 'n Vrystater. Speel met 'n passie tennis vir die skool en dorpspanne en kultuurgewys vul musiekonderrig die res van haar tyd.

Na Matriek bekwaam sy haarself as onderwyseres aan die BOK en volg 'n Ba graad buitemuurs by UOVS. Hier het die tennis en musiek in die slag gebly en die akademie gewen.

Eerste onderwyspos is by Gumtree, 'n dubbelmedium skool, tussen Clocolan en Ficksburg en hier tree sy in die huwelik met haar studenteliefde, James, 'n boer in die distrik. Uit hierdie huwelik is drie dogters en 'n seun gebore en is hulle die trotse grootouers van vier kleinkinders.

Toe, as 'n boer se vrou, baie betrokke by die VLU en Tuinbou genootskap maar word gou boervrou en begin 'n groot hondetelery met great Danes en St Bernards. Op die dorp word sy die eienaar van 'n haarsalon maar verkoop dit toe hulle verhuis.

In 1979 verhuis hulle na Pretoria om albei verder te studeer. Vestig hulle in die Kameeldrif-oos en later ook in die Donkerhoek area. Sy verwerf B.com aan UNISA en staan James by met sy Ile de France skaaptelery en kitsgras boerdery. Nou kan sy weer kompetender tennis speel en word lid van Bafiaanspoort se sport klub.

Gedurende hierdie tyd kry haar "kreatiewe streep" en liefde vir blomme, geleentheid om vir 'n paar weke die misterie van Ikebana aan die skool van Segetsu in Tokyo te bestudeer. Woon ook op uitnodiging van die Chinese Flower Association hul kongres in Taiwan by waar hulle 'n demonstrasie, met Proteas, gee op die maat van "Mamma Temba's Wedding". Wat 'n voorreg om die mistieke van die ooste te beleef, hulle gesindheid teenoor blomme te sien en die gesegde: "so many blokes so many strokes" te ervaar!. Hierna bedryf sy, vir 'n paar jaar, haar eie bloemiste besigheid maar dis beslis 'n besigheid wat net vir die liefde van die saak, en nie vir die sak is nie.

In 1985 begin sy 'n AGRIDOME, geskoei op die New Zealandse konsep. Eers op Kameeldrif en later by Donkerhoek. In samewerking met skoolreisdiens gee sy lesings en demonstrasies aan leerlinge en skooltoere oor kleinvee, grootvee en pluimvee. Hier kan die leerlinge die diere sien, hanteer en beleef. Hierdie besigheid verkoop sy in 1992 toe hulle finaal boerdery staak.

Nou was dit 'n kruispad, terug onderwys toe of 'n alternatiewe oorweeg. Na 'n onderhoud by Lyttelton High vir 'n vakante pos: "Accounting", besluit sy om haar as eiendomsagent te bekwaam om residensieel sowel as industriële eiendom te bemark. Met haar verkennende en spontane geaardheid moes sy 'n beroepskeuse uitoefen waar sy met mense te doen kry. Die bemarking van eiendom het na 'n goeie keuse gelyk. Gedurende die 90's was sy dus betrokke by die ontwikkeling van 'n paar komplekse en het sy 'n hele paar in Centurion en Pretoria Oos van plan af bemark. Is tans slegs by residensieel betrokke as agent by die firma VERITAS PROPERTIES.

Einde 1992 ruil sy tennisballe vir rolballe en word sy lid van Verwoerdburg rolbalklub. Vir 25 van die 27 jaar dien sy op die bestuur in verskillende hoedanighede. Net die poste van Kompetisiesekretaresse Klubhuisbestuurder, Perkemeester en Kroegman is haar gespaar! Gedurende die 1999 seisoen, in die "apartheids jare" is sy die Damespresident en in 2001/2002 seisoen die President van Centurion rolbalklub. Vir baie presidente was sy tot hulp as Visie-president en dra nog steeds die klub en sy lede se belange op die hart. Saam met President Chris Beyers is daar in 1998 besluit om 'n maandelikse blaadjie saam te stel om so belangrike inligting onder die lede te versprei, mekaar beter te leer ken en te deel in mekaar se lief en leed. So het sy die Moeder van die Toucher geword.



Vir 2 seisoene was sy ook by BGN behulpsaam met die reëlings van Spar se "All Transvaal". Haar naam is ook op 'n paar bekere gegraveer en as die saal kan praat sal daar heelwat interessante stories en staaltjies te vertel wees - oor vele funksies wat gehou is, oorwinnings wat gevier is, skandes wat te bowe gekom moes word en vir-altyd vriendskappe wat gesmee is. Wat 'n voorreg om vir soveel jare deel van die klub se hartklop te kon wees en alle eer hiervoor aan ons Hemelse Vader.

Earth is cramed with heaven.....blessed is he who experience this.